

9. gr.

Nú verða vanskil á láni, er ábyrgðadeildin hefur tekið sjálfskuldarábyrgð á, og getur þá lánveitandi krafðið ábyrgðadeildina beint um greiðslu skuldarinnar og þarf ekki að ganga að öðrum tryggingum vegna hennar. Lánveitandi getur ekki talið alla skuldina fallna í gjalddaga vegna vanskila, nema hann hafi áður krafðið ábyrgðadeildina skriflega. Ábyrgðadeild getur ætíð leyst skuldina alla til sín, ef hún óskar þess. Nú leysir ábyrgðadeildin skuld til sín, og skal þá lánveitandi framselja ábyrgðadeildinni allan þann rétt, er hann kann að eiga á hendur skuldara, eða öðrum, vegna skuldarinnar, og getur ábyrgðadeild þá eindagað skuldina gagnvart skuldara, ef hún telur ástæðu til.

10. gr.

Reglugerð þessi er sett með heimild í 7. gr. laga nr. 17/1990, um ábyrgðadeild fískeldislána.

Fjármálaráðuneytið, 3. maí 1990.

Ólafur Ragnar Grímsson.

Snorri Olsen.

REGLUGERÐ**um skil á staðgreiðslu.**

1. gr.

Launagreiðandi skal ótilkvaddur skila skilagrein og því staðgreiðslufé sem honum bar að halda eftir eigi sjaldnar en mánaðarlega.

2. gr.

Staðgreiðslufé ber að skila inn á gíróreikninga 778899 í Landsbanka Íslands, aðalbanka, 025025 í Seðlabanka Íslands eða til innheimtumanna staðgreiðslu sbr. 5. gr. reglugerðar þessarar.

3. gr.

Með skilum skal launagreiðandi ætíð láta fylgja skilagrein í því formi sem ríkisskattstjóri ákveður sbr. ákvæði 20. gr. laga nr. 45/1987, um staðgreiðslu opinberra gjalda. Ef skilafé er skilað í banka, sparisjóð eða pósthús sem innborgun inn á gíróreikning skv. 2. gr. reglugerðar þessarar, skal skilagrein vera í formi gírósedils fyrirfram áritaðs af ríkisskattstjóra.

Skilagrein skal skila mánaðarlega enda þótt engin laun hafi verið greidd eða persónuafsláttur launamanna veldur því að engin staðgreiðsla hafi verið tekin af starfsmönnum.

Gjalddagi vegna greiðslutímabils liðins mánaðar er 1. dagur næsta mánaðar á eftir en eindagi 14 dögum síðar. Ef eindaga ber upp á laugardag, sunnudag eða helgidag flyst hann til næsta virks dags þar á eftir.

4. gr.

Bankar, sparisjóðir og pósthús sem veita viðtöku staðgreiðslufé inn á gíróreikning staðgreiðslu skulu því aðeins taka við innborgunum inn á gíróreikninginn að greiðslu fylgi sérstakur gírósedill sbr. ákvæði 3. gr. reglugerðar þessarar og 20. gr. laga nr. 45/1987, um staðgreiðslu opinberra gjalda.

Banki, sparisjóður eða pósthús sem veitir viðtöku innborgun skal ganga úr skugga um að fullt samræmi sé á milli skilagreinar og greiðslu. Ef samræmi er eigi fyrir hendi er viðkomandi aðilum óheimilt að taka við greiðslu inn á giróreikninginn.

5. gr.

Eftirtaldir aðilar eru innheimtumenn staðgreiðslu og taka við staðgreiðslufé og skilagreinum ef þær eru ekki inntar af hendi í bönkum, sparisjóðum eða pósthúsum með greiðslu inn á giróreikning:

A. Gjaldheimtur:

Gjaldheimtan í Reykjavík.
Gjaldheimtan í Mosfellsbæ.
Gjaldheimtan á Seltjarnarnesi.
Gjaldheimtan, Garðabæ.
Gjaldheimtan í Hafnarfirði.
Gjaldheimta Suðurnesja, Njarðvík.
Gjaldheimtan í Bolungarvík.

B. Sýslumenn, bæjarfógetar:

Bæjarfógetinn á Akranesi.
Sýslumaður Mýra- og Borgarfjarðarsýslu.
Sýslumaður Snæfellsnes- og Hnappadalssýslu, bæjarfógetinn í Ólafsvík.
Sýslumaður Dalasýslu.
Sýslumaður Barðastrandarsýslu.
Sýslumaður Ísafjarðarsýslu, bæjarfógetinn á Ísafirði.
Sýslumaður Strandasýslu.
Sýslumaður Húnavatnssýslu.
Sýslumaður Skagafjarðarsýslu, bæjarfógetinn á Sauðárkróki.
Bæjarfógetinn í Siglufirði.
Bæjarfógetinn í Ólafsfirði.
Sýslumaður Eyjafjarðarsýslu, bæjarfógetinn á Akureyri og Dalvík.
Sýslumaður Þingeyjarsýslu, bæjarfógetinn á Húsavík.
Sýslumaður Norður-Múlasýslu, bæjarfógetinn á Seyðisfirði.
Bæjarfógetinn á Neskaupsstað.
Sýslumaður Suður-Múlasýslu, bæjarfógetinn á Eskifirði.
Sýslumaður Austur-Skaftafellssýslu.
Sýslumaður Vestur-Skaftafellssýslu.
Bæjarfógetinn í Vestmannaeyjum.
Sýslumaður Árnassýslu.
Sýslumaður Kjósarsýslu vegna Kjalarneshrepps og Kjósarhrepps.
Bæjarfógetinn í Kópavogi.

Launagreiðandi sem gerir skil á staðgreiðslu skal skila skilagreinum í því umdæmi sem hann á lögheimili hvort sem er á skrifstofu innheimtumanns eða til banka.

6. gr.

Launagreiðanda ber að útfylla og skila á sérstöku eyðublaði sem ríkisskattstjóri lætur útbúa, sundurliðun launatekna og staðgreiðslu fyrir hvern mánuð.

Heimilt er launagreiðanda að skila sundurliðun í tölvutæku formi til ríkisskattstjóra með þeim hætti eins og hann ákveður.

Nánari reglur um fyrirkomulag og meðferð skilagreina og sundurliðana þar með um skil á tölvutæku formi setur ríkisskattstjóri.

7. gr.

Staðgreiðslufé ásamt skilagrein eða gíróseðli þarf að hafa borist inn á gíróreikning eða á skrifstofu innheimtumanns eigi síðar en á eindaga. Dagsetning á greiðslukvittun innheimtumanns staðgreiðslu eða kvittun á gíróseðli er sönnun fyrir því að skil hafi verið gerð á réttum tíma. Póstlagning greiðslu fyrir eindaga kemur eigi í veg fyrir álagsbeitingu, ef greiðsla berst eftir eindaga.

Skilagreinar skal innheimtumaður staðgreiðslu færa í tölvukerfi ríkisskattstjóra. Hann skal sannreyna að samræmi sé á milli skilagreinar og greiðslu.

Skilagreinar sem hafa borist bankastofnun eða pósthúsi skulu sendar innheimtumanni staðgreiðslu sem sér um að færa skilagrein inn í tölvukerfi ríkisskattstjóra og um leið eyða samsvarandi færslu af biðreikningi sem myndaður er vegna gíróinnborgunar. Ef skilagrein er ófullnægjandi skal innheimtumaður staðgreiðslu tilkynna það launagreiðanda og skattstjóra.

Reynist greiðsla, skilagrein og skil vera rétt er launagreiðandi laus úr ábyrgð hvað það varðar sbr. þó ákvæði 22. gr. laga um staðgreiðslu opinberra gjalda.

8. gr.

Ef launagreiðandi skilar skilafé staðgreiðslu inn á gíróreikning sbr. 1. gr. skal hann senda sundurliðunarblað til innheimtumanns staðgreiðslu. Heimilt er að afhenda það bankastofnun sem skal framsenda það til innheimtumanns.

Heimilt er launagreiðanda að senda sundurliðun til ríkisskattstjóra annað hvort í tölvutæku formi eða því formi öðru sem ríkisskattstjóri ákveður sbr. ákvæði 6. gr. reglugerðar þessarar. Einnig er heimilt að afhenda viðkomandi innheimtumanni gögn í tölvutæku formi, sem skal framsenda ríkisskattstjóra gögnin.

Allan innlestur tölvugagna launagreiðanda í tölvuskrár annast ríkisskattstjóri.

9. gr.

Ef skattstjóri hefur heimilað manni, sem reikna skal sér endurgjald skv. ákvæðum 2. töluliðs 4. gr. laga um staðgreiðslu opinberra gjalda, að gera skil á staðgreiðslu einu sinni á ári, skal tekið tillit til þeirra upplýsinga sem gjaldandi veitir skattstjóra sbr. 2. mgr. 6. gr. laga um staðgreiðslu opinberra gjalda, við skil á staðgreiðslu til sveitarfélaga. Ríkisbókhald skal hlutast til þess að persónuafsláttur skattgreiðanda sem ganga skal upp í útsvarspátt staðgreiðslu skili sér til viðkomandi sveitarfélags á þann hátt að 1/12 hluti áætlaðs persónuafsláttar upp í útsvarspátt greiðist sveitarfélaginu mánaðarlega.

10. gr.

Um uppgjör og skil innheimtumanna staðgreiðslu skv. 5. gr. reglugerðar þessarar skulu gilda almenn fyrirmæli til innheimtumanna um uppgjör og skil. Ríkisfóhirði er heimilt að gefa innheimtumönnum staðgreiðslu nánari fyrirmæli um uppgjör og skil á hluta ríkissjóðs.

11. gr.

Dagleg afstemming gíróreiknings 025025 er í höndum ríkisbókhalds en reiknings nr. 778899 í höndum Gjaldheimtunnar í Reykjavík.

Ríkisbókhald hefur yfirumsjón með báðum reikningunum.

12. gr.

Inn á gíróreikninga staðgreiðslu er óheimilt að færa fjármuni sem ekki eru staðgreiðslu viðkomandi.

13. gr.

Reglugerð þessi sem sett er skv. heimild í 20. og 21. gr. laga nr. 45/1987, um staðgreiðslu opinberra gjalda, með síðari breytingum, gildir frá 1. maí 1990.

Reglugerð nr. 614/1987, um skil á staðgreiðslu fellur úr gildi frá og með tímamörkum þeim sem tilgreind eru í 1. mgr. ákvæðis þessa.

Fjármálaráðuneytið, 3. maí 1990.

Ólafur Ragnar Grímsson.

Snorri Olsen.

REGLUGERÐ**um breyting á reglugerð nr. 177/1990 um jöfnunartoll á innfluttar kökur.**

1. gr.

1. gr. orðist svo:

Greiða skal í ríkissjóð við tollafgreiðslu jöfnunartoll af kökum, sem flokkast í tnr. 1905.9040 í viðauka I við tollalög nr. 55/1987, með áorðnum breytingum. Jöfnunartollur skal vera 66,99 kr. fyrir hvert kílógramm.

2. gr.

Reglugerð þessi er sett samkvæmt heimild í 118. gr. tollalaga nr. 55/1987 til að öðlast gildi þegar í stað og skal hún gilda til 31. október 1990.

Fjármálaráðuneytið, 7. maí 1990.

F. h. r.

Magnús Pétursson.

Rúna S. Geirsdóttir.